

Oqaasileriffik Sprogsekretariatet

**Nunat Aqqinik Aalajangiisartut
Marlunngornermi maajip 7-ani 2013-mi
Oqaasileriffimmi ataatsimiinnerannit
Imaqarniliaq**


Peqataasut: Carl Christian Olsen, Stephen Heilmann, Lotte Holm Christensen

Peqataangitsut: Abia Abelsen allami ataatsimiinnini pillugu, Tukummeq Qaavigaq napparsimalluni


Allatsi: Arnaq B. Johansen

- a) Tikilluaqqusineq
- b) Imaqarnilianik akuersineq
- c) Kalaallit Nunaata pisortatigoortumik taaguutaa
- d) Narsami Fabriksbugtenip kalaallisut aqqa
- e) Narsami Kolonibugtenip kalaallisut aqqa
- f) Aatsitassanut Ikummatissanullu Pisortaqarfimmit saaffiginnissutigineqartunik Kangerlussuup Sisimiullu eqqaanni nunaminertanik sisamanik taaguusiineq
- g) Aatsitassanut Ikummatissanullu Pisortaqarfimmit saaffiginnissutigineqartumik Tasiusap Aappilattullu eqqaanni nunaminertamik taaguusiineq
- h) Ilulissat eqqaanni nunap aqqata Nakkaavik-mik, qallunaatut Kællingekløftenimik atillip isummersorfigineqarnera akuerineqarneralu
- i) Narsarsuup eqqaanni nunap aqqata Naasut Qooruat-a, qallunaatut Blomsterdal-imik atillip isummersorfigineqarnera
- j) Taasariaqartut allat

Inuss. Inuull.


Carl Chr. Olsen


Arnaq B. Johansen



a) Tikilluaqqusineq

Ataatsimiinneq aallartimmat siulittaasoq Carl Christian Olsen tikilluaqqusivoq.

b) Imaqarnilianik akuersineq

Decembarimiit marsi tikillugu ataatsimiinnernit imaqarniliat ataasiakkaarlugit akuerineqarput.

c) Kalaallit Nunaata pisortatigoortumik aqqa

Nunap aqqa Kalaallit Nunaat pillugu Karl Elias Olsenip Nuka Møllerimut saaffiginnissutigisimasaa, tassalu nunap aqqa **Kalaallit Nunaat** NAA-mit ataatsimiissutigineqarsimanersoq paasiniaaneranut tunngasoq. Oqaasiliortut ataatsimiinnerinit, apriliip aappaanni 2008 aamma apriliip 30-anni 2008 imaqarnilianit aallaaveqarluni ataatsimiinnermi ima sammineqarpoq:

Kalaallit Nunaat nunamut ataatsimoortumik atertut pineqartillugu aqqup pinnguutai naqinnermik angisuunik aallaqqaaserlugit allanneqassaaq.

Allamiutut (danskisut, tuluttut allatulluunniit) allassimatinniaaraanni Kalaallit Nunaat allallugu allamiutut taaguutaa ungaluuserlugi allanneqassaaq. Taamaalilluni allamiut namminneq taaguinertik atoraluarlugi pisortatigut aqqata ersersinnissaa malitassaraat.

Oqalulluni inuup ataatsip nunamut attuumassuseqarnera pillugu piginnittorsiutip atugaaneranut tunngatillugu atorneqartarpoq; kalaallip nunaa, tassa taaguutip pinnguutaanik naqinnerit angisuut atornagit.

d) Narsami Fabriksbugtenip kalaallisut aqqa.

Narsap saavani Fabriksbugten kalaallisut ateqarpoq: **Kangerluatsiaq**. Taanna pillugu paasiniaavigineqartoq tassa Narsamiu Torben Emil Lynge.

e) Narsami Kolonibugtenip kalaallisut aqqa


Narsap saavani Kolonibugtenimik taagugaq kalaallisut ateqarpoq: **Saqqannguup Imartaa**.

Taanna pillugu paasiniaavigineqartoq tassa Narsamiu Torben Emil Lynge.

f) Aatsitassanut Ikummatissanullu Pisortaqarfimmit saaffiginnissutigineqartunik Kangerlussuup Sisimiullu eqqaanni nunaminertanik sisamanik taaguusiineq.

Taaguusigassaq 1: **Qeqertalik**-mik taaguuserneqarpoq. Taaguusigaq Qeqertallip qinnguata timaatunngaaniipoq.

Taaguusigassaq 2. **Itillip Qaqqai**-nik taaguuserneqarpoq. Qaqqat tamakku Sisimiunit isikkiavianit Itillip Qaqqai-nik taagorneqarput naak Itilleq allamiikkaluartoq.



Oqaasileriffik Sprogsekretariatet

Taaguusigassaq 3: **Qaqqatsiaq**-mik taaguuserneqarpoq. Taaguusiinermi qaqqarsuit tamaaniit pingaarnertut aallaavigineqarput.

Saqqummiussinermi assimi atorneqartumi nunat aqqi *Nooralak* aamma *Nunaqarfia* nalunaarneqarnermikkut illusiinnarmi tiffasiinnarmilu inissisimasorineqarmata misissugassanngortinneqarput.

Taaguusigassaq 4: **Amitsorsuaq**-mik taaguuserneqartut aalajangiunneqarpoq. Amitsorsuaq tasiuvoq.

- g) **Aatsitassanut Ikummatissanullu Pisortaqarfimmit saaffiginnissutigineqartumik Tasiusap Aappilattullu eqqaanni nunaminertamik taaguusiineq**
Nuna Aatsitassanut Ikummatissanullu Pisortaqarfimmit saaffiginnissutigineqartoq angimmat tassunga tulluurtumik taaguusiisoqarnissaa siunnersuutigineqarpoq. Taassumalu kinguneranik **Sermilik**-mik taaguusernissaa akuerineqarluni.
- h) **Ilulissat eqqaanni nunap aqqata Nakkaavik-mik, qallunaatut Kællingekløftenimik atillip isummersorfigineqarnera akuerineqarneralu**
Kællingekløften, Kalaallisut **Nakkaavik**-mik taaguuserneqarnissaa akuerineqarpoq eqqaaneqarporlu qanga kristumiut nunatsinnut pinerat sioqqullugu, tikereernerisalu kingorna arnaquusaanik ilisiitsunillu igitsiffiusarsimasoq. Tassunga tunngatillugu eqqaaneqarpoq Ittoqqortoormiit eqqaaniittoq Nakkaavik, tassanili inunnik igitsivittut atorneqanngitsoq, kisiannili sersersuup nakkaaviatut taagorneqartoq.
- i) **Narsarsuup eqqaanni nunap aqqata Naasut Qooruat-a, qallunaatut Blomsterdalimik atillip isummersorfigineqarnera**
Narsarsuup eqqaaniittoq Blomsterdal, kalaallisut Naasut Qooruat-nik atserneqarnissaanut ippinnartoqartitsinera tunngavigalugu akuerineqannginnerani misissoqqitassatut ingerlateqqinneqarpoq. Tassunga tunngavigitinneqarput ilaatigut danskisuumit kalaallisut nutsinnarlugu taaguuserneqarsimanera ilimagineqarluni, eqqaaneqarlunilu siusinnerusukkut allatut taaguuteqarsimanissaa ilimanartoq. Assersuutitut taaneqarpoq Ilulissat Kangerluat, danskisut Jakobshavn Isfjord-mit toqqaannartumik kalaallisuunngortillugu nutsigaasoq. Eqqaaneqartunut ilaavoq Tunumi Blomsterdal, kalaallisut Naasuliarpik-mik atilik, kalaallisuumit danskit oqaasiinut nutsigaasoq, tassa qanga kalaallit Naasuliarpik-mut naasortariartarsimanerat kiisalu naasunik nerisassanik katersiartortarsimanerat eqqaaneqarluni.
- j) **Taasariaqartut allat**
Abia Abelsen-ip marlunngornikkut piffissami uani ataatsimiiffimmi, allami ataatsimiittarnera aallaavigalugu siunnersuutigineqarpoq marlunngornikkut ullaap tungaani ataatsimiittoqartassanngitsoq.
Ataatsimiinnissap tullia ullulerneqarpoq marlunngorneq maajip 21-at, nal.13.00